



09890

後漢書疏證卷二十七

吳

沈欽韓撰

屈原賦二十五篇

自離騷至大招適二十五篇隋志專列楚詞一家云漢

武帝命淮南王爲之章句且受詔食時而奏之其書今

亡後漢校書郎王逸集屈原以下迄於劉向逸又自爲

一篇并敘而注之今行於世隋時有釋道騫善讀之能

爲楚聲音韻清切至今傳楚詞者皆祖騫公之音按漢

時朱買臣召見言楚詞宣帝徵能爲楚詞九江被公召

見誦讀爾時自有專門可知其音讀非易也

後漢書疏證卷二十七

唐勒賦四篇

御覽六百三十三宋玉賦云景差唐勒等并造大言賦

宋玉賦十六篇

攷證云楚詞九辨招魂文選風賦高唐神女登徒子好

色賦古文苑大言小言鈞笛諷舞賦按笛賦非宋玉作

隋志宋玉集三卷

趙幽王賦一篇

本傳作歌

莊夫子賦二十四篇

名忌吳人

楚詞章句王逸云哀時命者嚴夫子之所作也

賈誼賦七篇

隋志梁有賈誼集四卷楚詞章句云惜誓者不知誰所作或曰賈誼御覽五百八十二賈誼筍簾賦曰纓擊拳以螺虬免大鍾而欲飛古文苑有旱雲賦

枚乘賦七篇

隋志梁有枚乘集二卷攷證云古文苑有梁王菟園賦

文選注王粲七哀詩枚乘集有臨霸池遠訣賦按西京雜又

有柳賦

司馬相如賦二十九篇

初學記有美人賦所謂玉釵挂臣冠羅袖拂臣衣者也

後漢書疏證卷二十七 二

淮南王賦八十二篇

羣臣賦四十四篇招隱入楚詞隋志集一卷梁二攷證

劉向別錄淮南王有熏籠賦見御覽七百一按古文苑有劉

安屏風賦

孔臧賦二十篇

攷證孔叢子云臧嘗為賦二十四篇四篇別不在集以

其幼作御覽九百二十七漢太常孔臧仲尼之後以才學知

名作鴟賦曰季夏庚子思道靜居爰有飛鴟集我室隅

異物之來吉人是符昔在賈生有識之士忌茲鵬鳥喪

用已咨我今攷信通秉真變性生家之天神修德滅邪

化及其隣又藝文類聚有孔臧蓼蟲賦

陽丘侯劉瓛賦十九篇

吾丘壽王賦十五篇

攷證藝文類聚有騾騎論功論而賦不傳

蔡甲賦一篇

上所自造賦二篇

傷李夫人及秋風辭隋志武帝集一卷

兒寬賦二篇

光祿大夫張子儵賦三篇

陽城侯劉德賦九篇

後漢書疏證卷二十七 三

劉向賦三十三篇

樂家所出琴頌應入此文選琴賦注劉向雅琴賦曰遊

予心以廣觀且德樂之悄悄楚詞有九歌古文苑有請

雨華山賦

王褒賦十六篇

隋志王褒集五卷傳云作甘泉洞簫頌洞簫賦在文選

楚詞有九懷文選注五十

移金精神馬縹縹碧雞歸來歸來漢德無疆黃龍見兮

白虎仁歸來歸來可以為倫歸來翔兮何事南荒漢時

賦頌通稱聖主得賢臣頌亦其一也

高誘注呂覽引班固幽通頌

右賦二十家

陸賈賦三篇

枚舉賦百二十篇

本傳頗詼笑不甚閑靡凡可讀者百二十篇

朱建賦二篇

常侍郎莊忽奇賦十一篇

嚴助賦三十五篇

朱買臣賦三篇

劉辟疆賦八篇

以下唐宋類書無可攷者不書本文

後漢書疏證卷二十七 四

司馬遷賦八篇

藝文類聚文選注引司馬遷悲士不遇

楊雄賦十二篇

攷證云本傳作四賦志云入楊雄八篇蓋七略所載止

四賦也古文苑有太玄蜀都逐貧賦文選注引覈靈賦

御覽一覈靈賦曰自今推古至於元氣始化古不覽今名號迭毀請以詩春秋言之

博士弟子杜參賦二篇

按參與劉向同事者文選注七略又有尙書郎中北海

展隆

孫卿賦十篇

荀子賦篇所載是也

秦時雜賦九篇

劉勰詮賦篇秦世不文頗有雜賦本諸此

李思孝景皇帝頌十五篇

別禰陽賦五篇

不知誰作梁庾信賦禰陽有離別之悲

漢中都尉丞華龍賦二篇

蕭望之傳宣帝時與張子蟜等待詔王褒傳有柳褒

右賦二十五家

客主賦十八篇

後漢書疏證卷二十七

五

子墨客卿翰林主人蓋用其體

雜行出及頌德賦二十四篇

雜四夷及兵賦二十篇

雜中賢失意賦十二篇

董仲舒有士不遇賦見古文苑

雜思慕悲哀死賦十六篇

雜鼓琴劍戲賦十三篇

雜山陵水泡雲氣雨旱賦十六篇

古文苑有董仲舒山川頌

雜禽六畜昆蟲賦十八篇

攷證劉向別錄有行過江上弋雁賦行弋賦弋雌得雄

賦

成相雜辭十一篇

荀子有成相篇楊倞云雜論君臣治亂之事以自見其  
意故下云託於成相以喻意按樂記治亂以相鄭云相  
卽拊也亦以節樂拊者以韋爲之裝之以糠稊一名相  
因以名焉此則瞽矇之諷誦持此器以爲節故名成相  
亦歌賦之流攷證云淮南王亦有成相篇見藝文類聚

隱書十八篇

列女傳六無鹽邑女言於齊宣王曰竊嘗喜隱宣王曰

後漢書疏證卷二十七 六

ツマリ

隱固寡人之所願試一行之言未卒忽然不見宣王大  
驚立發隱書而讀之退而推之呂覽重言篇荆莊王立  
三年不聽而好讒成公賈願與王讒滑稽傳以爲齊威  
王淳于髡說苑正諫篇咎犯見晉平公曰臣善隱平公  
召隱士十二人咎犯申其左臂而詘五指平公問於隱  
官曰占之爲何隱官皆曰不知蓋如今之謎語掌於史  
卜筮者也又六韜陰書篇太公曰諸有陰事大慮當用  
書不用符主以書遺將將以書問主皆一合而再離三

發而一知故列女傳臧文仲拘於齊文仲微使人遺公  
書恐得其書乃謬其詞云云左傳還無社申叔儀之語

國語秦客庾辭於朝此則兵交使往又敢尙於秘聞密  
喻也劉勰諧讒篇至東方曼倩尤巧辭述朔與郭舍人  
爲隱舍人不  
復聞朔隱語自魏代以來頗非俳優而君子嘲隱化爲  
謎語謎也者迴互其辭使昏迷也

右雜賦十二家

高祖歌詩二篇

大風起及鴻鵠攷證云大風歌亦名三侯之章

索隱侯  
語辭也

沛詩有三兮  
故云三侯

泰一雜甘泉壽宮歌詩十四篇宗廟歌詩五篇

疑卽郊祀歌十九章樂書云今上卽位作十九章令侍

後漢書疏證卷二十七 七

中李延年次序其聲通一經之士不能獨知其辭皆集

會五經家相與其講習讀之乃能通知其意多爾雅之

文按能通雅頌則郊祀歌無不可讀其辭句特外飾耳  
不料漢經生之陋如此若空守章句雖會五經家猶

未能  
知爾

漢興以來兵所誅滅歌詩十四篇

宋書樂志魏繆襲造鼓吹曲有獲呂布克官渡等曲其

義本於此

出行巡狩及游歌詩十篇

此應指武帝瓠子歌盛唐樅陽歌等也御覽五百九  
十二武

帝集曰奉車子侯暴病一日死上甚悼之乃自爲歌詩

臨江王及愁思節士歌詩四篇

當為臨江閔王榮作李太白集有擬臨江王節士歌

李夫人及幸貴人歌詩三篇

外戚傳有是邪非邪詩

劉勰樂府篇孝武之  
欺來遲歌童被聲

王子年拾

遺記有落葉哀蟬曲未審其真偽

洞仙傳漢武帝思車  
子侯歌曰嘉幽蘭兮

延秀覃妖姪兮中漭華斐兮麗景風徘徊兮流芳皇天  
兮無惠至人逝兮仙鄉天路遠兮無期不覺涕下兮霑

裳

詔賜中山靖王子噲及孺子姜冰未央材人歌詩四篇

文選有陸韓卿中山王孺子姜歌但汎詠姬姜衽席之

情而已不得本事

後漢書疏證卷二十七 八

吳楚汝南歌詩十五篇

崔豹古今注吳趨曲吳人以歌其地宋志相如歌曲有

江南可采蓮又云第一平調第二清調第三瑟調第四

楚調第五側調樂府題解云采菱曲等疑皆出於此又

有楚妃歎按樂府楚調歌有怨歌行

燕代謳

上林賦文成顛歌文頴曰文成遼西縣名其縣人善歌

魏有燕歌行

雁門雲中隴西歌詩九篇

宋志大曲有雁門太守行歌洛陽令王渙蓋本有此曲

後漢取其音節以祠王渙爾樂府瑟調曲有隴西行

邯鄲河間歌詩四篇

崔豹古今注陌上桑邯鄲女名羅敷為邑人千乘王仁妻王仁後為趙王家令羅敷出采桑於陌上趙王登臺見而悅之因飲酒欲奪焉羅敷乃彈箏作陌上歌以自明焉然未知此辭是前漢若後漢否琴操有河間雜歌二十一章

齊鄭歌詩四篇

禮樂志有齊四會員齊謳員鄭四會員

樂府題解齊謳行齊人以歌其地

後漢書疏證卷二十七 九

淮南歌詩四篇

上林賦淮南干遮宋志拂舞歌有淮南王篇

左馮翊秦歌詩京兆尹秦歌詩河東蒲反歌詩

以上似郡官侍祠所奏樂曲禮樂志有秦倡員

黃門倡車忠等歌詩十五篇

宋志黃門鼓吹樂天子宴羣臣之所用禮樂志黃門名

倡丙彊景武之屬樂府散樂有俳歌辭南齊書樂志俳

歌辭曰侏儒導舞人人自歌之古辭俳歌八曲此是

前一篇二十二句今侏儒所歌擷取之也詞云俳不言不語呼俳喻

所俳適一起狼牽不止生拔牛角摩斷膚耳馬無懸蹄牛無上齒駱駝無角奮迅兩耳按隋志梁三朝樂設俳

攷證樂府集有黃門倡歌一首

雜各有主名歌詩十篇雜歌詩九篇

樂府有雜曲歌辭如蛟螭行枯魚得河泣之類吳兢云樂府雜題自相逢狹路閒行已下皆不知所起自君子有所思行已下又無本詞

雜陽歌詩至河南周歌聲曲折七篇

以上疑皆祀神之歌曲折者若投壺禮記魯鼓薛鼓之節宋樂志苦寒行秋胡行等每于字下重二畫此歌者之曲折也又云今鼓吹鏡詞樂人以音聲相傳詰不可復解又漢鼓吹鏡歌十八篇按古今樂錄皆聲辭豔相

後漢書疏證卷二十七 十

雜不可復分豔者如魏武步出東西門行前有雲行兩步超越九江之皋臨觀異同心意懷遊豫不知當復何從經過至我碣石心惆悵我東海三十七字爲豔此豔與辭分者也

周謠歌詩七十五篇

曲折同篇

樂府瑟調曲有步出夏門行西門東門二行此其

類

諸神歌詩三篇送迎靈頌歌詩三篇

後之迎送神弦歌本此

周歌詩二篇

南郡歌詩五篇

右歌詩二十八家

宋志有漢鼓吹饒歌十八曲一朱鷺二思悲翁三艾如  
張四上之回五翁離六戰城南七巫山高八上陵九將  
進酒十君馬黃十一芳樹十二有所思十三雉子斑十  
四聖人出十五上邪十六臨高臺十七遠如期十八石  
留又崔豹古今注橫吹胡樂也張博望入西域傳其法  
於西京惟得摩訶兜勒二曲李延年因胡曲更造新聲  
二十八解乘輿以爲武樂後漢以給邊將魏晉以來二  
十八解不復俱存世用者黃鶴隴頭出關入關出塞入

後漢書疏證卷二十七 十一

ウ、三

塞折楊柳黃華子赤之陽望行人等十曲按宋志默默  
篇爲折楊柳辭古樂府有隴頭流水詞應在西京行用  
而志不錄當補者也沈約律志序朱贛博采風謠尤爲  
詳洽此志所本

凡詩賦百六家

自藝文類聚御覽諸書所載東京文辭頗多而此志所  
載略無遺言則知皆亡於王莽梁書張率傳年少好文  
屬文七略及藝文志所載詩賦今亡其文者并補作之

吳孫子兵法八十二篇

圖九卷

隋志孫子兵法二卷吳孫子牝八變陣圖二卷孫子兵

法雜占四卷

梁有孫子戰門六甲兵法一卷

新唐志吳孫子三十二壘

經一卷按周官車僕注孫子八陳有萃車之陳

文選注表陳爲

甄此卽八變陳圖也御覽三百二十八孫子占曰三軍將行

其旌旗從容以向前是爲天送必亟擊之得其大將三

軍將行其旌旗墊然若雨是爲天霑其帥失三軍將行

旂旗亂于上東西南北無所主方其軍不還三軍將陳

兩甚是爲浴師勿用陳戰三軍將戰有雲其上而赤勿

用陳先陣戰者莫復其跡三軍方行大風飄起於軍前

右周絕其軍將亡右周中其師得糧此卽雜占也御覽

三百五十七吳孫子三十二壘經靈輔曰務軍移旗以順其

後漢書疏證卷二十七 三

意銜枚而陳分司而伏後至先生以戰則克此三十二

壘經也按通典兵類有吳王問孫武答其文亦與六韜

答問相似并在十三篇之外杜牧序云武書十數萬言

魏武削其繁刺筆其精切凡十三篇成爲一編按史記

武傳闔廬曰子之十三篇吾盡觀之矣則十三篇其初

見時所進吳越春秋吳王召孫子問以兵法每陳一篇

王不知口之稱善杜牧所謂曹操所定非也操所著新

書正於孫子作賦耳

隋志有兵書接要兵書略要等云操所撰

齊孫子八十九篇

圖四卷

通典一百四十九孫臏曰用騎有十利一曰迎敵始至二

曰乘敵虛背二曰追散亂擊四曰迎敵擊後使敵奔走  
五曰遮其糧食絕其軍道六曰散其津關發其橋梁七  
曰掩其不備卒擊其未整旅八曰攻其懈怠出其不意  
九曰燒其積聚虛其市里十曰掠其田野係累其子弟  
此十者騎戰利也夫騎者能離能合能散能集百里爲  
期千里而赴出入無閒故名離合之兵也然則騎兵之  
用在孫臏前矣御覽二百八十二戰國策齊孫臏謂王曰凡  
伐國之道攻心爲上務先伏其心今秦之所恃爲心者  
燕趙也當收燕趙之權今說燕趙之君弗虛言空辭必  
將以實利以得其心所謂攻其心者也

後漢書疏證卷二十七 三

川上川

公孫鞅二十七篇

荀子議兵齊之田單楚之莊躑秦之衛鞅燕之繆蟻

吳起四十八篇

隋志吳起兵法一卷賈誦注按今存者圖國料敵治兵  
一論將變化勵士六篇而已文選注兩引俱作三十八篇  
范蠡二篇

吳越春秋越王問范蠡用兵行陣左傳桓五年疏賈逵  
以膾爲發石一曰飛石引范蠡兵法作飛石之事以證  
之文選潘安仁賦注范蠡兵法飛石重二十斤爲機發

行三百步

甘延壽傳  
張晏注司

大夫種二篇

吳越春秋大夫種曰報怨復讐破敵滅吳者有九術一曰尊天事鬼以求其福二曰重財幣以遺其君多貨賄以喜其臣三曰貴糴粟橐以虛其國利所欲以疲其民四曰遺美女以惑其心而亂其謀五曰遺之巧工良材使之起宮室以盡其財六曰遺之諛臣使之易伐七曰強其諫臣使之自殺八曰君王國富而備器用九曰利甲兵以承其弊越王召相國謂曰子有陰謀兵法傾敵取國九術之策今用三已破強吳是其事也

九術同

史記作七術越絕書

後漢書疏證卷二十七 西

李子七篇

疑李悝

嫵一篇

兵春秋三篇

新唐志亦有兵春秋一卷殆非此

龐煖三篇

鶡冠子兵政篇龐子問鶡冠子曰用兵之法天之地之

人之賞以勸戰罰以必眾五者已圖然九夷用之而勝

不必者其故何也又有悼襄王武靈王問

武靈王問作龐煖注云煖

兄疑卽龐煖之書燕世家劇辛故居趙與龐煖善已而

亡走燕燕欲因趙弊攻之劇辛曰趙令龐煖將易與耳  
燕使劇辛擊趙趙使龐煖擊之取燕軍二萬殺劇辛

兒良一篇

高誘呂覽注兒良作兵法貴後

廣武君一篇

李左車

疑卽淮陰侯傳中一事

韓信三篇

馬隆八陣讚云天地前衝變爲虎翼淮陰用之變化無  
極垓下之會魯公莫測

右兵權謀十三家二百五十九篇

省伊尹太公管子孫卿子鶡冠子蘇子蒯通陸

後漢書疏證卷二十七 五

川上十

賈淮南王二百五十九種出司馬法入禮也

按所省者不可知其出司馬法入禮是也然是書有古

司馬兵法有穰苴兵法未可一概論也通典兵司馬穰

苴曰五人爲伍十伍爲隊一軍凡二百五十隊餘奇爲

握奇故一軍以三千七百五十人爲奇兵隊七十有五

以爲中壘守地六千尺積尺得四里以中壘四面乘之

一面得地三百步壘內有地三傾餘百八十步正門爲

握奇大將軍居之六纛五麾金鼓府藏輜積皆中壘外

餘八千七百五十人隊百七十五分爲八陣六陣各有

千九十四人六陣各減一人以爲一陣之部署舉一軍

則千軍可知御覽二百九十八引穰苴兵法同又三百十三穰苴兵法日以戰止戰雖戰可也戰春不東秋不西月食還師所以止眾也別引古司馬兵法然後人固別而言之也

楚兵法七篇圖四

孫叔敖稱軍志楚之兵法尙矣

蚩尤二篇

隋志黃帝蚩尤風后行軍秘術二卷管子地數篇葛虛之山發而出水金從之蚩尤受而制之以爲劔鎧矛戟

孫軫五篇圖一

荀子臨武君與孫卿子議兵於趙孝成王前劉向敘云

至趙與孫臏議兵於趙孝成王前按軫與臏聲近或後

後漢書疏證卷二十七 六

人不知而妄改是此孫軫明矣據楚策春申君欲使臨

武君將又爲楚將

繇敘二

太白陰經秦由余蜀諸葛亮并有陣圖攷證云繇敘當

卽由余

王孫十六篇圖五

太史公自序太史孫吳王子能銘而明之徐廣曰王子

成甫此王孫疑是王子通典孫子注王子曰將欲內明

而外暗內治而外渾所以示敵之輕已也

尉繚三十一篇

隋志雜家尉繚子五卷又云兵家梁有尉繚子兵書一卷今按其書自天官至兵令二十四篇并言兵形勢不當入雜家此蓋誤承漢志兩見不知雜家者先亡耳其末篇曰臣聞古之善用兵者能殺士卒之半其次殺其十三其下殺其十一能殺其半者威加海內李靖兵法取之亦異乎六韜所稱殺一人而三軍震之旨矣

魏公子二十一篇

圖十卷

信陵君傳諸侯之客進兵法公子皆名之故世俗稱魏公子兵法裴駟引七略作圖七卷

景子十三篇

後漢書疏證卷二十七

七

楚策楚王使景陽將救燕墓舍使左司馬各營壁地已植表景陽怒曰女所營者水皆至滅表此焉可以舍乃令徙明日大雨山水大出所營者水皆滅其表軍吏乃服淮南汜論景陽淫酒被髮而御於婦人威服諸侯

李良三篇

見張耳陳餘傳

丁子一篇

疑卽丁固

項王一篇

按握奇文云望敵卽引其後以犄角前列不動

公孫弘曰傳項

氏陣法  
依此

右兵形勢十一家

太壹兵法一篇天一兵法三十五篇

隋志太一兵書十一卷梁二卷十卷唐志太一兵法一卷王逸

楚辭章句太一星名天之尊神大象賦注云天皇大帝

一星在紫微宮內勾陳口中其神曰耀鬼寶主御羣靈

秉萬機神圖也太一一星次天一南天帝之臣主使十

六龍知風雨水旱兵革饑饉疾疫

神農兵法一篇

秦策神農伐補遂越絕風胡子曰神農以石爲兵

後漢書疏證卷二十七 支

黃帝十六篇

胡建傳黃帝李法曰壁壘已定穿窬不繇路是謂姦人

姦人者殺然此非兵陰陽也太白陰經引黃帝曰車間

容車隊間容隊曲間容曲又云黃帝設八陣之形車廂

洞當金也車中黃土也烏雲烏翔火也折衝木也龍騰

卻月水也雁行鵝鶴天也輪車地也飛翼浮阻異也此

則類之矣隋志黃帝問玄女兵法四卷黃帝兵法雜要

訣一卷黃帝軍出大師年命立成一卷黃帝太一兵歷

一卷又黃帝兵法孤虛雜記一卷唐志大略同御覽十黃帝

玄女戰法曰黃帝與蚩尤戰九戰九不勝黃帝歸于秦

山三日三夜大霧冥冥有婦人人首鳥形黃帝稽首再拜伏不敢起婦人曰吾玄女也子欲何問黃帝曰小子願萬戰萬勝遂得戰法焉又三百三十九卷黃帝出軍決曰始立牙之日喜氣來應旗旛指敵或從風舉揮揮終日繞竿勇氣奔逸是謂堂堂之陣此大勝之徵

不具錄

### 封胡五篇

王欽若先天紀黃帝得封胡爲將作五牙旗及烽火戰

攻之具

御覽三百二十九黃帝出軍決曰所有攻伐作五采牙幢青牙旗引住東赤牙旗引住南白牙旗引住西黑牙旗引住北黃牙旗引住中又三百三十五黃帝出軍決法曰行軍行兵兩烽相要地形不便望見烽火不得爲客通典守城法衛公兵法曰韋孝寬守晉州羊侃守臺城皆約風胡子伎巧之術

### 後漢書疏證卷二十七 九

八上川

### 風后十三篇

圖二卷

通攷風后握奇經一卷本題漢公孫弘解晉馬隆述讚

按公孫弘曰人多傳韓信注釋天或圓布已下與此微

有差異而范蠡樂毅之說相雜今亦錯綜其中其步隊

或三五或三十或五十變通之理寄之明哲不復備載

近古以來其文不滿尺多憑口訣以相傳授予今於難

疑之處增字發明之耳太白陰經云風后演握奇圖天

陳居乾爲天門地陣居坤爲地門風陳居巽爲風門雲

陳居坎爲雲門飛龍居震爲飛龍門武翼居兌爲武翼

門鳥翔居離爲鳥翔門虵盤居艮爲虵盤門天地風雲

爲四正門龍虎鳥蛇爲四奇門乾坤艮巽爲闔門坎離  
震兌爲開門又云握奇圖以正合以奇勝合而爲散而  
爲入聚散之勢節制之度復置虛實二壘唐獨孤  
及有記

力牧十五篇  
蓋太白陰經力牧亦創營圖王欽若先天紀黃帝問張若

謀敵之事張若曰不如力牧能於推步之術著兵法十

三卷可用之此傳會之說路史注國朝有力牧四  
明經力牧地戶開歷

鳩冶子一篇圖  
卷

抱朴子極言篇黃帝救傷殘則綴金冶之術路史鳩冶

界決法

後漢書疏證卷二十七 三

鬼容區三篇

史記索隱系本與區占星氣素問有鬼臾區天元大紀

論

地典六篇

陶潛羣輔錄黃帝七輔地典受州絡

孟子一篇

下五行家有猛子間昭疑此是猛子

東父三十一篇

續漢天文志星官之書魏石申父東父人無攷疑是申

父

後書蘇竟遺劉龔書曰猥以師曠雜事輕自眩惑說士作書亂夫大道按師曠有二齊民要術雜說黃帝問師曠

欲知牛馬貴賤秋葵下有小葵生牛貴大葵不蟲牛馬

賤御覽一百八十九師曠問天老曰人家忌臘日殺生於堂

上有血光一不祥也井上種桃花落井二不祥也此黃

帝之師曠矣御覽二十一又有師曠占隋志梁有師曠占五

卷舊唐志師曠占書一卷并在五行家拾遺記云撰兵書萬篇

蓂弘十五篇

天官書昔之傳天數者蓂弘封禪書周人之言方怪者

後漢書疏證卷二十七 三

自蓂弘拾遺記蓂弘能招致神異

別成子望軍氣六篇

隋志兵家有鬼谷先生占氣等天文家梁有離望氣經

等越絕外傳記軍器云右子胥相氣取敵大數其法如

是初學記望氣經曰十月御覽二百四十一又引黃帝占軍

氣訣

辟兵威勝方七十篇

隋志梁有辟兵法一卷抱朴子雜應篇或問辟五兵之

道抱朴子曰吾聞吳大皇帝曾從介先生受要道云但

知書北斗字乃日月字便不畏白刃帝以試左右數十

人常爲先登陷陣皆終身不傷又僊樂篇木威喜芝夜  
視有光帶之辟兵又肉芝者謂萬歲蟾蜍以五月五日  
中時取之陰乾百日以其左足畫地卽爲流水帶其左  
手於身辟五兵若敵人射己者弓弩矢皆反還自向也  
神仙感應錄漢武威太守劉子南從道士尹公授務成  
子燧火丸佩之隱形辟疫鬼及五兵白刃盜賊凶害永  
平間與虜戰矢下如雨未至子  
南馬數尺墮地終不能傷

### 右陰陽十六家

### 推刑德隨斗擊因五

御覽三百二十八 亥女兵法曰戰鬪之法當從九天之上擊

九地之下眾士默默人無見者九天者春在青龍夏在

### 後漢書疏證卷二十七 三

朱雀秋在白虎冬在玄武四神爲九天其衝爲九地尉

繚子天官篇梁惠王問曰黃帝刑德可以百勝有之乎

對曰刑以伐之德以守之非所謂天官時日陰陽向背

也又武議篇世將考孤虛占咸池合龜  
兆觀星辰風雲之變欲以成勝立功淮南天文訓北

斗之神有鷓雄十一月始建於子月從一辰雄左行鷓

右行五月合午謀刑十一月合子謀德隋志兵家有黃

石公三奇法五行家有黃石公北斗三奇法御覽三百  
四十八黃石

公三略曰欲敵形色可勝之符先戰以二十八騎角人  
青衣赤旗東方七人徵人赤衣黃旗南方七人商人白  
衣黑旗西方七人羽人黑衣青旗北方七人凡二十八  
人象二十八宿按此文三略所無隋志兵家有黃石公  
五壘圖蓋是此亦五勝之法而五行家黃  
石公北斗三奇法卽兵家三奇法耳重出

鮑子兵法十篇

伍子胥十篇

圖一卷

舊唐志伍子胥兵法一卷

三百十五

越絕書伍子胥水戰法

大翼一艘廣丈六尺長十二丈容戰士二十六人櫂五

十人舳艦三人操長鉤矛斧者四吏僕射長各一人凡

九十一人當用長鉤矛長斧各四弩各三十四矢三千

三百兜鍪各三十二

北堂書鈔亦引之今本越絕矢之

隋志又有遯甲

訣遜甲文各一卷伍子胥撰

公勝子五篇

苗子五篇

後漢書疏證卷二十七

三

逢門射法二篇

龜策傳羿名善射不如雄渠蠡門注劉歆七略有蠡門

射法吳越春秋陳音曰逢蒙傳於楚琴氏

陰通成射法十一篇

李將軍射法三篇

李廣傳世世受射

魏氏射法六篇

强弩將軍王圍射法五卷

望遠連弩射法具十五篇

御覽三百四十八太公兵法曰弩之神名遠望淮南汜論連

弩以射

高誘曰連車弩通一弦以牛挽之以及著左右爲機關發

吳越春秋越王謂

陳音曰願聞望敵儀表授分飛矢之道音曰夫射之道

從分望敵合以參連弩有斗石矢有輕重石取一兩其

數乃平遠近高下求之銖分漢南郡有發弩官

唐書兵志伏遠

弩自能弛張  
縱矢三百步

### 護軍射師王賀書五篇

卜式上書願與臨淄習弩擊南越後書順帝永建元年

調五營弩師郡與五人令教習戰射此主教五營射師

也

### 蒲苴子弋法四篇

後漢書疏證卷二十七

齒

小字三

列子湯問篇詹何曰臣聞先大夫之言蒲苴子之弋也

弱弓纖繳乘風振之連雙鷓於青雲之際用心專動手

均也按此善弋者著其法冠蒲苴之名五營伏飛積射

士所習

### 劍道三十八篇

吳越春秋越女曰凡手戰之道內實精神外示安儀見

之似好婦奪之似懼虎布形候氣與神俱往杳之若日

偏如騰兔追形逐影光若佛仿呼吸往來不及法禁縱

橫順逆直復不聞斯道者一人當百百人當萬王欲試

之其驗卽見越王乃命五版之墮長高習之教軍士史

記自序司馬氏在趙者以傳劍論顯又曰者傳齊張仲  
曲成侯以善擊刺學用劍立名天下按曲成侯卽蟲達  
也

手搏六篇

王逸楚詞注手擊曰扑孟康曰摔胡若今相僻卧輪之  
類列子說符篇蘭子能燕戲者張湛曰如今之絕倒投  
俠賈子匈奴篇倒挈面者更進皆手搏之技

雜家兵法五十七篇

隋志雜兵書十卷雜兵圖二卷文選注五十六雜兵書曰

八陣者一曰方陣二曰圓陣三曰牝陣四曰牡陣五曰

後漢書疏證卷二十七

五

川上

衝陣六曰輪陣七曰浮沮陣八曰雁行陣御覽亦多引

雜兵書七百六將坐牀無故自動下欲害之

楚鞞二十五篇

文選注十一七略曰楚鞞者傳言黃帝所作蹋鞠兵勢其

法律多微意皆因嬉戲以講練士至今軍士羽林無事

使得蹋鞠按七錄在小說家史記正義按楚鞞書有域

篇卽今之打毬也黃帝所作起戰國時程武士知其材

力也齊策蘇秦說齊宣王臨淄踰鞠御覽彈棋經序曰彈棋者仙家之

戲也昔漢武平西域得胡人善蹴鞠者盡銜其便捷跳

躍帝好而爲之羣臣不能諫侍臣東方朔因以此藝進

之帝就舍蹴鞠而尚彈棋焉習之者多在宮禁中故時人莫得而傳

西京雜記以爲劉歆先君進成帝不同

至王莽末赤眉凌亂

西京傾覆此藝宮人所傳故散落人閒及章帝御宇好諸技藝此藝乃盛於當時

西京雜記許博昌安陵人善陸博寶嬰好之常與居處博

昌作太博經一篇

### 右兵技巧十三家

攷證著黃石公記于此非也

凡兵書五十三家

省十家云云

按王莽徵天下能明兵法六十三家知此志始省十家

秦壹雜子星二十八篇

後漢書疏證卷二十七

美

川川

隋志五行家有太一經天文志五行志并引星傳疑是此

五殘雜變星二十一卷

抱朴子釋滯欒槍尤矢旬始終繹四鎮五殘天狗歸邪或以子成或以正敗明易之生不能論此也詳見天文

志

黃帝雜子氣三十三篇

劉昭天文志注引黃帝星經晉歷志黃帝使車區占星

隋志天文家黃帝五星占一卷御覽

八百七十八又八百七十九

黃

帝占軍氣訣曰攻城有虹欲敗之應又黃帝占曰日中

三足鳥見者大旱赤地晉書天文志黃帝創受河圖始明伏羲故其星傳尙有存焉

常從日月星氣二十一卷

說苑敬慎篇常撓有疾老子往問之不知師古何緣指此人似當謂常從天子者

皇公雜子星二十二卷

尸子廣澤篇皇子貴衷列子湯問皇子疑錕鍔劍火浣布傳之者妄按志不列於諸子疑皇公非其人莊子達生篇齊士有皇子告敖

淮南雜子星十九卷

泰壹雜子雲雨三十四卷

後漢書疏證卷二十七

毛

繁露求雨篇神農求雨第十九日戊己不雨命爲黃龍壯者舞之神農書又曰開神山神淵積薪夜擊鼓譟而燔之爲其旱也御覽九又有黃帝風經

國章觀霓雲雨三十四卷

隋志天文占雲氣圖一卷御覽八有相雨書又引黃子發相雨書

泰階六符一卷

東方朔陳泰階六符應邵以爲黃帝書章懷太子注郎顛傳引黃帝泰階六符經御覽休徵部亦引之

金度玉衡漢五星客流出入八篇

續天文志注星經曰璇璣者謂北極星也玉衡者謂斗  
九星也玉衡第一星主徐州常以五子日候之第二星  
主益州常以五亥日候之第三星主冀州常以五戌日  
候之第四星主荊州常以五卯日候之第五星主兗州  
常以五辰日候之第六星主揚州常以五巳日候之第  
七星主豫州常以五午日候之第八星主幽州常以五  
寅日候之第九星主并州常以五申日候之又五星各  
主五獄二十八宿鎮星主東井隋志黃帝五星占一卷御覽  
星占曰君薄德義懦弱不勝任則太白失度經天作變易之象

漢五星彗客行事占驗八卷

後漢書疏證卷二十七 天

川文三

隋志五星犯列宿占六卷妖星流星星形名占一卷又彗  
星占流星占彗孛占并一卷御覽入百七十五京氏易五星  
占蓋此志所列

漢日旁氣行事占驗八卷

隋志京氏日占圖三卷夏氏日旁氣魏氏日旁氣圖一  
卷周官太卜注云王者於天日也夜有夢則晝視日旁  
氣以占其吉凶凡所占者十輝每輝九變此術今亡天  
文志引夏氏日月傳日月食盡主位也不盡臣位也卽  
隋志夏氏日旁氣天文志王朔所候決於日旁雲氣天官

書占歲則魏解  
即隋志魏氏

漢流星行事占驗八卷

御覽咎徵部引京氏妖占晉書天文志漢京房著風角書有集星章所載妖星皆見於月旁互有五色方雲以五寅日見各有五星所生云隋志京氏釋五星災異傳

一卷

漢日旁氣行占驗十三卷

功臣表成帝時光祿大夫滑堪日旁占驗

漢日食月暈雜變行事占驗十三卷

隋志日月暈三卷日月食暈占四卷日月暈珥雲氣圖占一卷其名目甚多大略采於天文志者是矣

後漢書疏證卷二十七

五

海中星占驗十二卷

隋志海中星占星圖海中占并一卷顧炎武曰海中者

中國也故天文志曰甲乙海外日月不占愚謂海中混

芒比平地難驗著海中者言其術精算法亦有海島筭

經王氏云卽張衡所謂海人之占也後天文志注張衡靈憲曰中外之官

可明三百二十爲星二千五百而海人之占未存焉後志注海中占曰熒惑守參

爲旱太白守參國有反臣唐封氏見聞記云齊武成帝

卽位大赦天下其日設金雞宋孝王不識其義問於光

祿大夫司馬膺之答曰按海中星占天雞星動必當有

赦

海中五星經雜事二十卷海中五星順逆二十卷  
海中二十八宿國分二十八卷

晉書天文志州郡疆次陳卓范蠡鬼谷先生張良諸葛亮譙周京房張衡并云角亢氐鄭兗州房心宋豫州尾箕燕幽州斗牽牛須女吳越揚州虛危齊青州營室東壁衛并州奎婁胃魯徐州昴畢趙冀州觜參魏益州東井輿鬼秦雍州柳七星張周三輔翼軫楚荊州隋志二十八宿分野圖一卷

海中二十八宿臣分二十八卷

王氏攷證未詳臣分按張衡云在野象物在朝象官在

後漢書疏證卷二十七 三

川上名

人象事隋志二十八宿二百八十三官圖一卷天文外官占星官次占一卷卽臣分也

海中日月彗虹雜占十八卷

圖書秘記十七篇

後漢楊厚祖父春卿戒子統曰吾緜表中有先祖所傳秘記爲漢家用又章帝賜東平王蒼以秘書列仙圖道術秘方抱朴子至理篇孔安國秘記云張良得黃石公不死之法霍光傳霍山坐寫秘書

巫咸星占補隋志巫咸五星占一卷天官書殷商巫咸

天文志巫咸甘石并引之劉昭注亦引巫咸占晉志云

巫咸甘石之說後代所宗宋史天文志引咸巫圖

甘氏星占補史記正義七錄云楚人戰國時作天文星

占八卷隋志甘氏四七法一卷天官書甘石厯五星法

惟獨熒惑有逆行逆行所守及他星逆行日月薄蝕

皆以為占天文志又引星傳不知其屬誰家保章氏注

甘氏歲星經

甘氏星占補

隋志石氏星簿經讚一卷梁有石氏甘氏天文占各八卷

史記正義七錄云魏石申戰國時作天文八卷今存星

經上下卷

中缺西南二宮

云是石氏書續志賈逵論引石氏星

經攷證乾象新書云天文錄并諸家占書所載石申甘

後漢書疏證卷二十七 三

XOX

德巫咸三家星座共二百八十三座總一千四百六十

四星石申列舍星二十八座共一百六十六星赤中官

星五十四座共三百一十八星赤外官星三十八座共

二百七十一星赤甘德中官星五十九座共二百一星

黑外官星三十九座共二百九星黑巫咸中官星九座

共三十一星黃外官星二十座共九十五星黃石申紫

微垣星二十二座共五十四星赤甘德紫微垣星二十

座共一百一星黑紫微垣星四座共一十八星黃宋志祖冲

之云甘石之書互為矛盾

右天文二十一

史記自序云星氣之書多作禋祥不經推其文考其應不殊

黃帝五家歷三十三卷顓頊歷二十一卷顓頊五星歷十四卷

漢以北平侯張蒼言用顓頊歷比干六歷疏濶中最高微近史記自序五家之文佛異惟太初之元論律歷志太史令張壽王及待詔李信治黃帝調歷續漢律歷志黃帝造歷元起辛卯而顓頊用乙卯虞用戊午唐歷志大衍歷日度議洪範傳曰歷祀始於顓頊上元太始闕蒙攝提格之歲畢陬之月朔日乙巳立春七曜俱在營室

後漢書疏證卷二十七

三

川文

五度宋歷志何承天等校六家之歷雖六元不同分章或異至今所差或三日或二日數時考其遠近率皆六國及秦時人所造雖復假稱帝王祇足以惑時人耳大明六年祖冲之議曰按五紀論黃帝歷有四法顓頊夏周并有二術詭異紛然則孰識其正此古歷可疑之據一又云顓頊歷元歲在乙卯而命歷序云此術設元歲在甲寅此可疑之據四按大衍日度議云重黎受職於顓頊九黎亂德二官咸廢帝堯復其子孫命掌天地四時以及虞夏故本其所由生命曰顓頊其實夏歷也秦顓頊歷元起乙卯漢太初歷元起丁丑推而上之皆不

值甲寅猶以日月五緯復得上元本星度故命曰闕蒙

攝提格之歲而實非甲寅曰古東歷三氣於太極星

日月宿歷十三卷

天地限表三升三閏時與齊志太極

夏殷周魯歷十四卷

律歷志五伯之末史官喪紀疇人子弟分散或在夷狄

故其所記有顛頊夏殷周及魯歷續志賈逵論曰太初

歷冬至日在牽牛初者牽牛中星也古黃帝夏殷周魯

冬至日在建星建星卽今斗星也司馬彪論曰歷元夏

用丙寅殷用甲寅周用丁巳魯用庚子宋志祖冲之曰

後漢書疏證卷二十七

三

夏歷七曜西行特違眾法劉向以爲後人所造殷歷曰

法九百四十而乾鑿度云殷歷以八十一爲日法若易

緯非差殷歷必妄春秋書食有日朔者凡二十六其所

據歷非周則魯以周歷攷之檢其朔日失二十五魯歷

校之又失十三二歷乖則必有一僞古之六術并同

夏四分四分之法久則後天以食檢之經三百年輒差一

日以此推之古術之作皆在漢初周末理不得遠且卻

校春秋朔并先天此則非三代之明徵矣唐志太衍日

度議云夏歷十二次立春日在東壁三度於太初星距

壁一度太也又夏歷章部紀首皆在立春故其課中星

揆斗建與閏餘之所盈縮皆以十有二節爲損益之中而殷周漢歷章部紀首皆直冬至故其名察發斂亦以中氣爲主此其異也甄耀度及魯歷南方有狼弧無東井鬼北方有建星無南斗并斗度長弧建度短故以正昏明又中氣議曰命歷序以爲孔子修春秋用殷歷使其數可傳於後考其蝕朔不與殷歷合蓋哀平閏治甲寅元歷者託之非古也

按書疏以爲秦漢之際假託爲之與祖冲之說同此云哀平閏

天近詩十月之交疏古之歷書亡今世有周歷魯歷者蓋漢初爲之其交無遲疾盈縮考日食之法而其上年月已往參差是以漢世通儒未有以歷攷此辛卯日食者

後漢書疏證卷二十七

雷

晉書杜預長歷云漢末宋仲子集七歷以考春秋按其夏周二歷術數皆與藝文志所記不同故更名爲真夏真周

天歷大歷十八卷

疑是漢歷唐志劉歆三統歷一卷

漢元殷周諫歷十七卷

律歷志以前歷上元泰初四千六百一十七歲至于元

封七年復得闕逢攝提格之歲按此以漢元上推殷周猶四分歷起於孝文皇帝後元三年歲在庚辰上四十五歲歲在乙未則漢興元年也又上二百七十五歲歲在庚申則孔子獲麟二百七十六萬歲尋之上行復得庚

申歲歲相承從下尋上其執不誤

耿昌月行帛圖二百三十二卷耿昌月行度二卷

續志賈逵論曰按甘露二年大司農耿壽昌奏以圖儀  
度日月行考驗天運狀日月行至牽牛東井日過度月  
行十五度此言其極疾至婁角日行一度月行十三度此言其極遲  
赤道使然

傳周五星行度三十九卷

續志賈逵論曰臣前上傳安等用黃道度日月弦望多  
近此傳周亦人名

律歷數法三卷

律歷志唐都分天部而落下閎運筭轉歷其法以律起  
歷曰律容一龠積八十一寸則一日之分也

後漢書疏證卷二十七

自古五星宿紀三十卷

律歷志劉向總六歷列是非作五紀論續志五紀論日  
月循黃道南至牽牛北至東井率日日行一度月行十  
三度十九分度七又洪範五紀論曰民間亦有黃帝諸  
歷不如史官紀之明也詩疏劉向五紀論載殷歷之法  
惟有氣朔而已

太歲謀日曆二十九卷

律歷志議造漢律乃定東西立晷儀下漏刻以追二十  
八宿相距於四方易通卦驗冬至之日立八神樹八尺之表曰中規其晷之如度者則歲美人民和順晷不如度者則歲惡人民

帝王諸侯世譜二十卷古來帝王年譜五卷

隋志漢初得世本敘黃帝以來祖世所出而漢又有帝王年譜律歷志太史令張壽王言黃帝至元鳳三年六千餘歲又移帝王錄舜禹年歲不合人年壽王言化益爲天子代禹驪山女亦爲天子在殷周間皆不合經術溝洫志大司空掾王橫言周譜云定王五年河徙

日晷書三十四卷

隋志黃道晷景占一卷

梁有晷景記二卷

按周髀算經陳子語

榮方曰夏至日中立竿倒影周髀長八尺夏至之日晷長一尺六寸髀者股也晷者勾也正南千里勾一尺五

後漢書疏證卷二十七

美

又川三

寸正北千里勾一尺七寸日益表南晷日益長候勾六尺卽起竹空徑一寸長八尺捕影而視之空正掩日而日應空之孔由此觀之率八十寸而得徑一寸故以勾爲首以髀爲股從髀至日下六萬里而髀無影從此以上至日則八萬里若求邪至日者以日下爲勾日高爲股勾股各自乘并而開方除之得邪至日從髀所旁至日所十萬里以率率之八十里得徑一里十萬里得徑千二百五十里故曰日晷徑千二百五十里又陳子曰古時天子治周此數望之從周故曰周髀據彼所說是追依周公正日景之事其氣數不同蓋卽此日晷書之

類其後又引呂氏語趙君卿以為秦相呂不韋知陳子者漢初人也

許商筭術二十六卷

溝洫志博士許商善為筭能度功用徐岳數術記遺曰

問曰為筭之體皆以積為名為復更有他法乎先生曰

隸首注術乃有各種及余遺忘記憶數事而已有積筭

今之常筭以竹為之長四寸太乙筭刻板橫為九道豎

以效四時方三分以象三才太乙筭刻板橫為九道豎

數從下始兩儀筭刻板橫為五道豎為位一柱兩珠色

去來有道兩儀筭刻板橫為五道豎為位一柱兩珠色

其黃珠自三才筭刻板橫為三道豎為位一柱兩珠色

下而上三才筭刻板橫為三道豎為位一柱兩珠色

天黃珠屬地白珠屬人又其三珠通行三道若天珠在

天為九在地主六在人主三其地珠在天為八在地主

五在人主二珠在天主七在地主四五行筭水立生

在人主一故曰天地和同隨物變通五行筭水立生

後漢書疏證卷二十七 筭

二〇〇

赤生數二木青生數三金白生數四土黃生數五今八

為五行算色別九枚以五行色數相配為筭之位八

卦筭起指正南離為一坤為二正西兌為三西北乾為

四正北坎為五東北艮為六正東震為七東南巽為九

入至北坎為五東北艮為六正東震為七東南巽為九

宮筭即二四為肩六八為足左三運籌筭五寸籌上各

為五刻上頭一刻近一頭刻之其下四刻迭相去一寸

令去下頭亦一寸入手取四指三節間有三節初食指

上節間為一位第二節間為十位第三節間為百位至

中指上節間為千位中節間為萬位下節間為十萬位

無名指上節間為百萬位中為千萬位下節間為十萬位

刻近頭者一刻主五其遠頭者一刻之別從下而起主

一主二迤三主四若一二三四頭則向下於掌中若

其五則迤取上頭向掌中故曰小往大來也運於指掌

了知筭一信為一了字其了有三曲其下股之末內主

曲內主三外主七其第三曲內主成數筭五行各配土

四外主六當了字之首則主五成數筭五行各配土

生數一成數六火赤生數二成數七木青生數三成數  
入金白生數四成數九若以首向東及南爲生數向西  
及北爲把頭筭筭二枚慢一齒者一面刻爲一其一面  
成數把頭筭爲二一面爲三其一面爲四漫者爲把  
即當五筭生齒者爲龜筭龜之四面爲十二時以龜首  
把頭一目當一筭龜筭指寅爲一指卯爲二指辰爲  
三指巳爲四指午爲五指未爲六指申爲七指酉爲  
八指戌爲九指亥爲十龜頭指不以爲數遇冬則停  
筭刻板爲三分其上下二分以停游珠中間一分以定  
筭位位各五珠上一珠與下四珠色別其上別色之  
珠當其下四珠珠各當一至計筭謂不用筭筭宜以心  
下四珠所領故云控帶四時計筭計之或曰今有長竿  
一枚不知高下不用籌筭云何計而知之答曰取竿之  
影任其長短畫地計之假令手中有三尺之物亦監之  
取杖下之影長短以量竿影同此按漢所爲筭術未  
曹倉舒以象置大船刻水痕得矣澤受乾象法於東萊徐

審其備有此數否錄之廣異聞

宋書歷志吳中書令闕

岳字公河則徐岳漢末  
人受乾象歷於劉洪者

後漢書疏證卷二十七

美

杜忠筭術十六卷

廣韻說文曰筭長六寸計歷數者也又有九章術漢許

商杜忠吳陳熾魏王粲并善之魏劉徽九章筭經序包

犧氏始畫八卦作九九之術以合六爻之變黃帝神而

化之引而伸之建歷紀協律呂記稱隸首作數其詳未

之聞也周公制禮有九數九章是矣漢北平侯張蒼大

司農中丞耿壽昌皆以善筭命世蒼等因舊文遺殘各

稱刪補故校其目與古或異而所論多近語保氏注鄭

司農云方田粟米差分少廣商功均輸方程贏不足旁

要今有重差夕桀勾股疏云此漢法增之此劉徽所云  
校其目與古

或異禮記疏重差分一也去旁要以勾股替之是爲者也

漢之九數按此許商杜忠所爲卽是九章術志舉人名以包之遂令後人疑惑耳後書馬續鄭氏并善九章筭

術明許杜等非別一書也隋志有劉徽注徐岳甄鸞等

重術西京雜記安定嵩真玄菟曹元理并明筭術皆成帝時人

右厯譜十八家

泰一陰陽二十三卷

隋志五行家載太一古甚多今存者太一龍首式經一

卷

黃帝陰陽二十五卷

後漢書疏證卷二十七 五

御覽八十黃帝玄女占法曰禹問於風后曰吾聞黃帝

有勝負之圖六甲陰陽之道今安在乎風后曰黃帝藏

會稽之山下隋志黃帝陰陽遯甲六卷

黃帝諸子論陰陽二十五卷

御覽五百三十七黃帝太一密推師曠曰先知巡狩之年當

視太一與天目在四維之歲法爲巡狩若不然則遣使

者按行風俗

諸王子論陰陽二十五卷

方術傳注須臾陰陽吉凶立成之法也今書七志有武

王須臾一卷

太元陰陽二十六卷

後書方術傳風角遁甲七政元氣注云元氣者謂開闢陰陽之書也河圖曰元氣闔陽為天楊由少習七政元氣

三典陰陽談論二十七卷

隋志僅有雜陰陽婚嫁書按齊民要術御覽引雜陰陽書猶多月令正義陰陽式法正月亥為天倉南齊書禮志記稱元

辰法曰吉亥

神農大幽五行二十七卷

御覽二十神農書曰冬至陰陽合精天地交讓路史注引作交

後漢書疏證卷二十七 罕

川

遊天為尸温地為不凍君為不朝百官為不親事不可出遊必有憂悔隋志有神農重卦經二卷

四時五行經二十六卷

齊民要術所引雜五行書言農家種殖殆此類又云雜五行書

曰常以正月旦亦用月半以麻子二十七顆赤小豆七枚置井辟疫病甚神驗御覽八百四十一雜五行書正月七日男吞赤豆七枚女吞十四枚竟年無病

猛子閻昭二十五卷

陰陽五行時令十九卷

亦易陰陽明堂月令之類

堪輿金匱十四卷

淮南天文訓北斗之神雌雄堪輿徐行雄以音知雌周禮占夢疏鄭志答張逸曰按堪輿黃帝問天老事云四

月陽建於巳破於亥陰建於未破於癸是為陽破陰陰破陽故四月有癸亥為陰陽交會十月丁巳為陰陽交

會又保章氏注堪輿有郡國所入度占夢疏按堪輿大會有八小會亦有入公羊疏堪輿云九月日體在大火御覽八百四十九風俗通曰堪輿書云上

朔會客必鬪爭隋志有歷頭堪餘地節堪餘大小堪餘四序堪餘八會堪餘等吳越春秋伍子胥曰竊觀金匱

第八其可傷也吳王曰何謂也子胥曰今年七月辛亥平旦十三大王以首事辛歲位也亥陰前之辰也合王

後漢書疏證卷二十七 聖

子歲前合也利以行武武決勝矣然德在合斗擊丑丑

辛之本也大吉為白虎而臨辛功曹為太常白虎太常十二將也

大吉功曹亥大吉得辛為九醜又與白虎并重有人若

以此首事前雖小勝后必大敗天地行殃禍不久矣又

吳王召太宰嚭欲赦越王越王召范蠡告之蠡曰大王

安心事將有意在玉門第一今年十二月戊寅之日時

加日出句踐戊四日也寅陰後之辰也合庚辰歲後會

也夫以戊寅日聞喜不以其罪罰日也時加卯而賊戊

功曹為騰蛇而臨戊謀利事在青龍青龍在勝光而臨

酉勝光六死氣也而剋寅是時剋其日用又助之所求

之事上下有憂此其非天綱四張萬物盡傷者乎王何  
喜焉又子胥諫吳王曰大王初臨政負玉門之第九誠  
事之敗無咎矣今年三月甲戌時加雞鳴甲戌歲位之  
會將也青龍在酉德在土刑在金是日賊其德也知父  
將有不順之子君有逆節之臣又范蠡既去越王召大  
夫種曰蠡可追乎種曰不及也蠡去時陰畫六陽畫三  
日前之神莫能制者玄武天空玄武天空十二將威行孰敢止  
者度天關涉天梁後入天一前翳神光言之者死視之  
者狂臣願大王勿復追也又文種語其妻曰吾見王時  
正犯玉門之第八也二十五年丙午平旦辰剋其日上賊於下是

後漢書疏證卷二十七 望

八〇一

爲亂醜必害其良今日剋其辰上賊下止吾命須臾之  
閒耳按所云金匱玉門者是漢之五行書名其所占類  
太乙六壬之式則或天一太一兩家言也因子胥有金  
匱之目故附識於此隋志梁有伍子胥式經章句起射覆式越相范蠡玉笥式各二卷

成子災異應十四卷

隋志仙人務脫成字子傳神通黃帝登壇經一卷

十二典災異應十四卷

易通卦驗十二月十二日正八風二十四氣相應之驗  
鍾律災應二十六卷鍾律消息二十九卷

蓋京房之術續律歷志京房以六十律分暮之日黃鍾

自冬至始及冬至而復陰陽寒燠風雨之占生焉風俗

通聲音篇按劉歆鍾律書宮商角徵羽義云云亦其事

也詳見樂家易通卦驗迎日至之禮人主致八能之士或調

黃鍾或調六律五聲或調五行陰陽乃縱八能之上擊

黃鍾之鍾人敬稱善言以相之黃鍾之音得麤賓之律

應則公卿大夫列士以德賀於人主因諸政所請行五

官之府各受其當聲諸氣和則人主以禮賜公卿大夫

列士

### 鍾律叢辰日苑二十三卷

日者列傳孝武帝時聚會占家問之某日可娶婦乎五

### 後漢書疏證卷二十七 望

行家曰可堪輿家曰不可建除家曰不吉叢辰家曰大

凶厯家曰小凶天一家曰小吉太一曰大吉辨訟不決

以狀聞制曰避諸死忌以五行爲主人取於五行者也

按此數家雖總名五行所占又不同若此今有玄女三子經論婚娶

日隋志九天嫁娶圖蓋是

### 黃鍾七卷

隋志黃鍾厯一卷管子五行篇黃帝以政五鍾然後立

五行

### 天一六卷

淮南天文訓天神之貴者莫貴於青龍或曰天一或曰

太陰太陰所居不可背而可向李筮太白陰經黃帝征  
蚩尤七十一戰不克書夢金人引領長頭玄狐之裘云  
天帝使授符得兵符戰必克帝悟問風后曰此天應也  
乃於盛水之陽暴壇祭太牢有玄龜舍符致壇文曰天  
一在前太乙在後帝再拜授於是設九宮置八門布三  
奇六儀制陰陽二遁凡千八十局名曰天一遁甲式  
泰一二十九卷

乾鑿度太一取其數以行九宮注太一者北辰之神名也居其所曰太一常行於八卦日辰之間太一下行八卦之宮每四方還於中央中央者北辰之所居故因謂之九宮天數大分以陽出以陰入陽起於子陰起於午是以太一下九宮從坎宮始自此而從於坤宮坤母也又自此而從震宮又自

後漢書疏證卷二十七 筮

又文上

此而從巽宮所行者半還息於中央之宮既又自此而從乾宮而兌宮又從於艮宮又於離宮行則周矣而反於紫宮出從中男入從中女亦因陰陽男女之偶為終始云鶡冠子泰鴻篇中央者太一之位百神仰制焉

張衡奏云九宮風角數有徵效隋志太一式雜占十卷

太一九宮雜占十卷

後書高彪傳注太一式凡舉事皆欲發三門順五將三門者開門休

門生門五將天目文昌等

刑德七卷

淮南天文訓陰陽刑德有七舍何謂七舍室堂庭門巷

術野十二月德居室三十日先日至十五日後日至十

五日而徙所居各三十日德在室而刑在野德在堂則

刑在術德在庭則刑在巷陰陽相得則刑得合門八月

二月陰陽氣均日夜分平故曰刑德合門德南則生刑南則殺故曰二月會而萬物生八月會而草木死又曰太陰在甲子刑德合東方宮常徙所不勝合四歲而離離十六歲而復合所以離者刑不得入中宮而徙於木錢大昕曰五行家歲月皆有刑德七舍則月之刑德也

風鼓六甲二十四卷

後書方術傳注遁甲推六甲之陰而隱遁也今書七志有遁甲經風鼓未詳困學紀聞九天九地之數乾納甲壬坤納乙癸自甲至壬其數九故曰九天自乙至癸其數九故曰九地九天之上六甲子也九地之下六癸酉也

風后孤虛二十卷

後漢書疏證卷二十七 望

メツ

隋志兵家有孤虛注十卷六甲孤虛雜訣一卷裴駟龜策傳注曰甲乙謂之日子丑謂之辰六甲孤虛法甲子旬中無戌亥戌亥即為孤辰巳即為虛甲戌旬中無申酉申酉為孤寅卯即為虛甲申旬中無午未午未為孤子丑即為虛甲寅旬中無子丑子丑為孤午未即為虛後書方術傳宗資將兵討琅邪賊趙彥為陳孤虛之法從孤擊虛以討之御覽三百二十八六韜曰從孤擊虛高入無徐一女子當百夫孟子正義孤虛之法以一畫為孤無畫為虛二畫為實以六子甲子日定東西南北四方然後占其孤虛實而向背之即知吉凶矣

六合隨典二十五卷

南齊書禮志五行說十二辰爲六合寅與亥合占夢注  
日月之行及合辰所在淮南天文訓爲奇辰數從甲子  
始子母相求所合之處爲合十日十二辰周六十日凡  
八合合於歲前則死亡合於歲後則無殃隋志六合婚  
嫁歷一卷御覽三百二十八立女兵法曰三奇六合主威軍

士

轉位十二神二十五卷

淮南天文訓太陰在寅朱鳥在卯勾陳在子元武在戌  
白虎在酉蒼龍在辰寅爲建卯爲除辰爲滿己爲平主  
生午爲定未爲執主陷申爲破主衡酉爲危主杓戌爲

後漢書疏證卷二十七 哭

×〇×

成主少德亥爲收主大德子爲開主太歲丑爲閉主太  
陰隋志梁有十二屬神圖一卷論衡難歲篇十二神登

明從魁之輩

論衡物勢篇又言十二辰禽似非此

羨門式法二十卷羨門式二十卷

唐六典太卜令辨三式之同異

一曰雷公式二曰太乙式并禁私家畜三日六

壬式土庶通用之

用式之法辨十二將十二月神十二將以天

一爲首前一曰騰蛇二曰朱雀三六合四勾陳五青龍

後一曰天后二太陰三元武四太常五白獸六天空前

盡於五後近於六天一立中爲十二將又有十二月之

神正月登明二月天魁三月從魁四月傳選五月小吉

六月勝光七月太卜八月天運九月太衝十月功曹十

一月大吉十二月神后隋志有黃帝式經玄女式經六

壬式經等

唐志雷公式經一卷太一式經二卷

攷證梁元帝洞林序云羨

門五將韓終六壬按此太一式起於羨門高也

通典兵十二篇

世識曰吾勘太乙中有飛鳥十精知風雨期五子元運式也

文解六甲十八卷文解二十八宿二十八卷

隋志萬年曆二十八宿人神一卷六甲周天曆一卷

五音奇胲用兵二十三卷

抱朴子極言篇黃帝審攻戰則納五音之策御覽

三百二十

八玄女兵法曰黃帝攻蚩尤三年城不下募求術士乃

後漢書疏證卷二十七

聖

又ウ

得伍骨

路史作胥

與之言曰今日余攻蚩尤三年城不下與

咎安在伍骨曰此城中之將爲人必白色商音帝始攻

時得無似秋之東方行乎今黃帝爲人蒼色角音此雄

軍也以戰爲之黃帝曰善爲之若何伍骨曰臣請攻蚩

尤三日城必下黃直曰帝積三年攻蚩尤而城不下今

爾欲以三日下之何以爲明伍骨曰不如臣言請以軍

法論黃帝曰子欲以何時曰臣請朱雀之日日正中時

立赤色徵音絳衣之軍於南方以輔角軍臣請以青龍

之日平旦時立青色角音青衣之軍於東方以輔羽軍

臣請以玄武之日人定時立黑色羽音黑衣之將於北

方以輔商軍臣請以白虎之日日入時立白色商音白衣之將於西方以輔宮軍四將以立臣請爲帝以黃龍之日日中建黃旗於中央以制四方五軍以具西面攻蚩尤三日其城果下周官太師注兵書曰王者行師出軍之日授將弓矢士卒振旅將張弓矢大呼太師吹律合音商則戰勝軍士強角則軍擾多變失士心宮則軍和士卒同心徵則將急數怒軍士勞羽則兵弱少威明按六韜亦有五音篇兼以五勝之法制敵是也

### 五音奇胘刑德二十一卷

攷證淮南兵略明於星辰日月之運刑德奇竇之數者

後漢書疏證卷二十七 冥

×〇〇

鄉左右之便此戰之功也

注奇竇之數奇秘之數非常策

史記倉公傳

受脈書上下經五色診奇咳術按奇胘卽奇偶顧野王胘當寅也顏籀引說文該軍中約非此義

### 五音定名十五卷

太戴保傅篇太子生而泣太師吹銅曰聲中某律白虎

通聖人吹律定姓

通典一百五呂才陰陽書序云近代師巫加五姓之說五姓者謂宮商角

徵羽天下萬姓悉總配之

隋志五音相動法一卷風角五音圖二卷

梁有風角五音占五卷京房撰

### 右五行三十一家

攷證補翼氏風角隋志風角要候十一卷翼奉撰翼奉傳注

引其書翼氏風角鳥情一卷風角雜占五音圖五卷又有

京房風角要占三卷京君明推偷盜書一卷皆此志所

無唐志五行家有淮南王萬畢術一卷隋志云墨子梳中五行要記淮南

南萬畢經淮南變化術陶朱變化術各一卷五行變化墨子五卷淮南中經四卷按龜策傳褚

先生臣爲郎時見萬畢石朱方傳則漢時古書也御覽

多引之後書王景傳景以眾書錯糅吉凶相反乃參記眾家數術文書冢宅禁忌堪輿日相之屬集爲

大衍  
立基

### 龜書五十三卷

隋志龜經一卷晉掌卜大夫史蘇撰又史蘇沈思經一

卷

梁有史蘇龜經十卷

哀九年傳晉趙鞅卜救鄭遇水適火疏引

### 後漢書疏證卷二十七 兕

又引

服虔云兆南行適火卜法橫者爲土立者爲木邪向經

者爲金背經者爲火因兆而細曲者爲水後書張衡傳

注龜經有棲鶴兆言卜得鶴兆也皇后紀太史卜兆得壽房攷證云

崇文總目三卷而五十二卷之書亡矣史記褚先生所

補亦其大略也

### 夏龜二十六卷

夏時龜卜之書墨翟書耕柱篇夏后開使蜚廉採金於

山川而陶鑄之於昆吾使翁難乙卜於日若之龜鼎曰

成三足而方不斫而自烹不舉而自臧不遷而自行以

祭於昆吾之墟上鄉乙又言兆之由曰饗矣逢逢白雲

一南一北一西一東九鼎既成遷於三國

南龜書二十八卷

周官龜人南龜曰獵屬龜筮傳余至江南觀其行事問其長老云龜千歲乃游蓮葉之上廬江郡常歲時生龜長尺二寸者二十枚輸太卜官抱朴子對俗篇玉策記曰千載之龜游於蓮葉之上或在叢著之下褚先生亦引記曰或卽玉策記也

巨龜三十六卷雜龜十六卷

龜筮傳記曰能得名龜者財物歸之家必大富至千萬  
一曰北斗龜二曰南辰龜三曰五星龜四曰八風龜五  
曰二十八宿龜六曰日月龜七曰九州龜八曰玉龜凡  
八名龜龜文各在腹下云云著此某之龜也

著書二十八卷

後漢書疏證卷二十七 辛

ツエ上

文選思立賦注古文周書云周穆王姜后晝寢而孕越  
姬嬖竊而育之斃以立鳥二七塗以穢血寘置姜后遽  
以告王王恐發書而占之曰蜉蝣之羽飛集於戶鴻之  
戾止弟弗克理重靈降誅尙復其所問左史氏史灼曰  
蟲飛集戶是曰失所惟彼小人弗克以育君子史良曰  
是謂關親將昌其身歸於母氏而後獲寗冊而藏之厥  
休將娠王與令尹冊而藏之於櫝居二月越姬死七日

而復言其情曰爾夷隸也故竊君之子不歸母氏將寘而大戮及王子於治續天文志注張衡靈憲曰羿請無死之藥於王母恒娥竊藥奔月將往枚筮之於有黃有黃占之曰吉翩翩歸妹獨將西行逢天晦芒母驚母恐後且大昌此皆古之著書也

周易三十八篇

隋志五行家列周易谷甚多而京房之書悉在此但云周易恐非諸術家也杜預左傳後序汲家古書周易上下篇與今正同別有陰陽說而無象象文言繫辭史記大宛傳天子發書易云神馬當從西北來

後漢書疏證卷二十七 至

川三十一

周易明堂二十六卷

蓋卽明堂陰陽之說類魏相所採者後書郎顛傳於易雄雌秘歷今值困乏隋志易歷七卷

周易隨曲射匿五十卷

隋志易射覆易腦經等東方朔傳上使諸數家射覆朔自贊曰臣嘗受易請射之乃別著布卦而對魏志管輅射覆卦成此并先有卦辭占者以卦推之

大數衍易二十八卷大次雜易三十卷

隋志有雜筮占易三備等

抱朴子對俗篇鼠壽三百歲滿百歲則色白蓋憑人而  
卜名曰仲能知一季中吉凶及千里外事

於陵欽易吉凶二十三卷任良易旗七十一卷

隋志有費直易林二卷易內神筮二卷梁有費直周易

筮占林五卷

隋志周易分野星圖一卷不著撰人  
攷晉天文志亦費直所撰隋志失之

兩參

之或因故書題新名未可知也

易卦八具

東觀漢記永平五年秋御雲臺詔尙席取卦具土冠禮

筮與席所卦鄭云所卦者所以畫地記爻又少牢禮卦

以木卒筮乃書卦於木鄭云每一爻畫地以識之六爻

後漢書疏證卷二十七 筮

備書於版然則易卦八具其版書也

十二靈蓍卜經

補

隋志一卷不著撰人御覽七百二異

苑曰十二棋卜出自張文成受法於黃石公行師用兵

萬不失一逮至東方朔密以占眾事自此以後秘而不

傳晉寧康初襄城寺法味道人忽一老公著黃皮衣竹

筒盛此書以授法味無何失所在遂復流於世郡齋讀

書志云南史載客從南方遺我良材寶貨珠璣金盃玉

杯之繇則古之遺書也明矣凡百二十卦皆有繇詞

右著龜十五家

隋志并入五行家

黃帝長柳占夢十一卷

詩箋大人占之謂以聖人占夢之法占之皇甫謐云皇帝夢得風后力牧因著占夢經十一卷蓋憑此而傳會

隋志占夢書下梁有黃帝太乙雜占十卷

甘德長柳占夢二十卷

卽占星之甘公隋志雜占夢書一卷梁有師曠占五卷東方朔占七卷

又京房占夢書三卷夢書十卷御覽引夢書甚多當隋時著錄者也

武禁相衣器十四卷

論衡譏日篇裁衣有書凶日製衣有禍吉日有福隋志梁有

後漢書疏證卷二十七 聖

裁衣書 一卷

噓耳鳴雜占十六卷

詩箋今俗人噓云人道我此古之遺語也西京雜記陸

賈曰目矐得酒食燈火華得錢財故目矐則呪之火華

則拜之隋志梁有噓書耳鳴書目矐書各一卷論衡譏日篇沐

書曰子日沐令人愛之卯日沐令人白首隋志沐浴書一卷亦當在此類

禎祥變恠二十一卷

中庸疏本有今異曰禎本無今有曰祥何胤云國本有雀今有赤雀來

是禎也國本無鳳今有鳳來是祥也

人鬼精物六畜變恠二十一卷

先天紀黃帝巡狩東至海登桓山於海濱得白澤神獸  
能言達於萬物之情因問天下鬼神之事自古精氣爲  
物游魂爲變者凡萬一千五百二十種白澤言之帝令  
以圖寫之以示天下帝乃作祝邪之文以祝之抱朴子  
極言黃帝窮神姦則記白澤之辭隋志白澤圖一卷抱朴  
子登涉篇或問辟山川廟堂百鬼之法曰道士常帶天  
水符及土皇竹使符老子左契及守眞一思三部將軍  
者鬼不敢近人也其次則論鬼錄知天下鬼之名字及  
白澤圖九鼎記則眾鬼自卻又云山鬼中見鬼來喚人求  
食不止者以白茅投之卽死山中寅日山中見鬼來喚人求  
以葦杖投之卽死山中寅日自稱虞吏惑使虎也卯  
日稱丈人者兔也辰日稱雨師者龍也稱河伯者魚也  
巳日稱寡人者蛇也午日稱三公者馬也未日稱主人  
者羊也申日稱人君者猴也酉日稱將軍者雞也戌日  
稱人姓者犬也稱成陽公者狐也亥日稱神君者豬也

後漢書疏證卷二十七 蓋

888

子曰稱社君者鼠也丑日稱書生者按管子水地篇涸  
牛也但知其物名則不能爲害也

澤數百歲谷之不徙水之不絕者生慶忌慶忌者其狀

若人其長四寸衣黃衣冠黃冠戴黃蓋乘小馬好疾馳

以其名呼之可使千里外一日反報此涸澤之精也涸

川之精者生於螻蛄者一頭而兩身其形若蛇其長八

尺以其名呼之可以取魚鼈此涸川水之精也又問篇

桓公北伐孤竹未至卑耳之谿十里見人長尺而人物

具焉冠右袂衣走馬前疾事其不濟乎管仲對曰臣聞

登山之神有兪兒者長尺而人物具焉霸王之君興而

登山神見又莊子達生篇桓公曰然則有鬼乎曰沈有

履竈有髻戶內之煩擾雷霆處之東北方之下者陪阿  
鮭蠶躍之西北方乏下者則洪陽處之水有罔象丘有  
崒山有夔野有仿俚澤有委蛇委蛇其大如轂其長如  
轆紫衣而朱冠惡聞雷車之聲則奉其音而立然則知  
鬼神之情狀固有譜錄矣

變恠誥咎十三卷

太祝六辭三曰誥誥告於神也咎自刻責也曹子建誥  
咎文序五行致災先史咸以爲應政而作天地之氣自  
有變動未必政治之所興致也於時大風發屋拔木意  
有感焉聊解上帝之命以誥咎祈福袁盎心不樂家多

後漢書疏證卷二十七 五

恠乃之楛生所問占亦其事也道家又別有科儀文心雕龍

黃帝有逐邪之文東方朔有罵鬼之書陳思誥咎裁以正義

執不祥劾鬼物八卷

費長房能醫療眾病鞭笞百鬼驅使社公抱朴子論仙  
篇神仙集中有召神劾鬼之法又遊覽篇鄭君有收山  
鬼老魅治邪精經三卷御覽八百九十一風俗通曰按黃帝

書上古之時有神荼與鬱壘兄弟二人性能執鬼度索

山上桃園下簡閱百鬼鬼無道理妄干人禍神荼與鬱  
壘縛以葦索執以食虎於是官常以臘餘飾桃人畫虎

於門皆是追劾前事冀以禦鬼又御覽三百三十六孝經威嬉拒曰欲去惡鬼

五行具五人皆持大斧著鐵胃將之常使去四五十步不可令近人也按此則令畫門神像亦有所本

請官除妖祥十九卷

周官女祝掌以時招梗禴禳之事鄭大夫讀梗為亢謂招善而亢惡去之杜子春讀梗為更鄭謂梗禦未至也按管子四時篇春除神位謹禱弊梗注梗塞也時方開通而有弊梗梗塞則禱神以開通之亦男巫冬堂贈春招弭之事也說苑辨物篇柏常騫禳去梟築新室置白茅梟當陞布翼伏地而死

禳祀天文十八卷

晏子諫篇景公睹彗星召伯常騫使禳去之鄭女祝注

後漢書疏證卷二十七 彗

×。リ

四禮惟禳其遺像今存

論衡解除篇世間繕治宅舍鑿地掘土功成作畢解謝土神名

曰解土為土偶人以像鬼形令巫祝延以解土神隋志梁有六甲祀書二卷

請禱致福十九卷

隋志梁有董仲舒請禱圖周禮太祝注董仲舒救日食祝曰炤炤大明濺滅無尤奈何以陰侵陽以卑請尊繁露郊祀郊祝曰皇皇上帝照臨下土集地之靈降甘風雨庶物羣生各得其所靡今靡古惟予一人某敬拜皇天之祐

請雨止雨二十六卷

繁露有求雨篇止雨篇止雨祝曰嗟天生五穀以養人

今淫雨太多五穀不和敬進肥牲清酒以請社靈幸為  
止雨除民所苦無使陰滅陽御覽五百二十六漢舊儀曰五

鳳元年儒術奏施行董仲舒請雨事始令丞相以下求

雨雪曝城南舞童女禱天神五帝五年始令諸官止雨

朱繩索社擊鼓助之又三十五神農求雨書春甲乙不

舞之壬癸黑北不雨命巫祝曝之日不雨禱山神積薪

具擊鼓而焚之按其文有斷爛繁露亦引神農然則古

### 泰壹雜子候氣二十二卷

天官書凡候氣美惡謹候歲始冬至日臘明日四始者

候之日漢魏鮮集臘明正月旦決八風按易通卦驗亦

### 後漢書疏證卷二十七 五

以卦氣候歲御覽十師曠占曰黃帝問師曠曰吾欲知

歲苦樂善惡可以否師曠對曰歲欲豐甘草先生薺也

歲欲飢苦草先生亭歷也歲欲惡惡草先生水藻也歲

欲旱早草先生蒺藜也歲欲潦潦草先生蓬也歲欲病

病草先生艾也齊民要術雜說師曠占五穀曰正月甲戌

日大風東來折樹者穀熟甲寅日大風西北來者貴庚

寅日風從西來者皆貴二月甲戌日風從南來者稻熟

乙卯日不雨晴明稻上場不熟四月四日雨稻熟日月

珥天下喜十五日十六日雨晚稻善日月蝕

子贛雜子候歲

越絕外傳凡八穀貴賤之法必察天之三表此越絕所

本俗人亦以越絕爲子貢作論衡案書篇會稽吳君高之越紐錄隋志有東方朔

占候水旱下人善惡一卷

三法積貯寶藏二十三卷

隋志三合紀饑穰一卷越絕計倪內經人之生無幾必

先憂積蓄以備妖祥漢耿壽亦精其術

神農教田相土耕種十四卷

御覽七十周書曰神農之時天雨之粟神農耕而種之

陶治斤斧爲耒耜鉏耨以墾黃莽然後五穀興

昭明子釣種生魚鼈八卷

後漢書疏證卷二十七 羹

文選注引之齊民要術有陶朱公養魚經或卽其書

種樹藏果相蠶十三卷

齊民要術栽樹篇凡栽樹正月爲上時諺曰正月可栽樹言得時易生

也二月爲中時三月爲下時棗雞口槐兔目桑蝦蟇眼

榆負癩散自餘雜木鼠耳蚩趨各其時此等名目皆是葉生形容之所

象似以此時栽種者葉皆卽生以上原注食經曰種名果法三月上旬研

好直枚如大母指長五尺內著芋魁種之無芋大蕪菁

根亦可用勝種核核三四年乃如此大耳又食經有作

乾棗法蜀中藏梅法藏乾栗法藏柿法藏木瓜法不具錄

按此皆有所本也舊唐志諸葛穎種周官馬質注蠶書禮法七十七卷

蠶爲龍精月直火火則浴其種御覽八百二汜勝之書

曰衛尉前上蠶法民事人所忽略衛尉勤之忠國愛民

之至唐志蠶經一卷崇文總目淮南王蠶經三卷劉安

撰世與蠶經一卷崇文總目淮南王蠶經三卷劉安

右雜占十八家

山海經十三篇

列子湯問篇夏革曰大禹行而見之伯益知而名之夷

堅聞而志之論衡禹主治水益主記異物董仲舒觀重

常之鳥劉子駿曉貳負之尸劉淵林吳都賦曰漢宣帝

時擊磻石於上郡陷得石室其中有反縛戒劉向曰此二負之臣也以山海經對

海內西經郭注劉子政按此言對之宣帝大驚于是人

後漢書疏證卷二十七 堯

爭學山 吳越春秋禹登宛委山發金簡之書得通水之

海經 理遂巡行四瀆與益夔共謀行到名山大澤召其神而

問之山川脈理金玉所金鳥獸昆蟲之類及八方之民

俗殊國異域土地里數使益疏而記之名之曰山海經

劉歆序云禹定高山大川蓋與伯翳主驅禽獸命山川

類草木別水土四嶽佐之以周四方逮人跡之所希至

及舟輿之所罕到內別五方之山外分八方之海紀其

珍寶奇物異方之所生水土草木禽獸昆蟲麟鳳之所

止休祥之所隱及四海之外絕域之國殊類之人古文

之著明者也孝武時東方朔言異鳥之名孝宣時臣父

向對貳負之臣皆以是書朝士由是多奇山海經者可  
以考休祥變性之物見遠國異人之謠俗臣望所校凡  
三十二篇今定爲十八篇按十三篇者劉向於時合南  
山經三篇以爲南山經一篇西山經四篇以爲西山經  
一篇北山經三篇以爲北山經一篇東山經四篇以爲  
東山經一篇中山經十二篇以爲中山經一篇并海外  
經四篇海內經四篇凡十三篇至劉歆增大荒經四篇  
海內經一篇故爲十八篇多者十餘簡少者二三簡宋人著錄既不  
能攷其篇第所由而陳振孫引朱熹言以爲山海經本  
解楚詞天問而作殆於庸妄者也寰宇記淮陽記按古嶽瀆經云禹治水三

後漢書疏證卷二十七 卒

至桐柏山乃獲淮澗水神名曰無支祁是又有嶽瀆經也御覽九百六十七漢舊儀山海經稱東海中度朔山無之

國朝七卷

隋志劉向略言地域丞相張禹使屬朱貢條記風俗班  
固因之作地理志國朝者疑此是也大司徒掌建邦之  
土地之圖注若今司空郡國輿地圖三王世家御史上

輿地圖

晉書裴秀曰漢氏所畫輿地及括地諸雜圖各不設分率又不攷正準望亦不備載名山大川

雖有粗形

御覽一百五周公城名錄曰黃帝受命風后

受圖割地布九州置十二圖

禹貢釋文引作周公職錄彼誤按隋志晉世摯虞依

禹貢周官作畿服經其州郡分野封略事業國邑山陵水泉鄉亭城道里土田民物風俗先賢舊好靡不具悉

凡一百七十卷今亡此周  
城名錄或在摯虞書所題

### 宮宅地形二十卷

論衡誥術篇圖宅術曰宅有八術以六甲之名數而第  
之第定名立宮商殊別宅有五音姓有五聲宅不宜其  
姓姓與宅相賊則疾病死亡犯罪遇禍又曰商家門不  
宜南向徵家門不宜北向商金南方火也徵火北方水  
也水勝火火賊金五行之氣不相得故五姓之宅門有  
宜向嚮得其宜富貴吉昌嚮失其宜貧賤衰耗隋志相  
宅圖八卷五姓墓圖一卷梁有塚書黃帝葬山圖今有宅經  
二卷題黃帝撰書中又引黃帝宅經則非黃帝可知各四卷五音相墓書五音圖

### 後漢書疏證卷二十七 空

基等書抱朴子極言黃帝相地理則書青鳥之說文選

注二十三青鳥子相塚書曰天子葬高山諸侯葬連岡初

學記相塚書曰凡葬龍耳者當貴出五侯御覽五百相

塚書曰青鳥子稱山三重相連名傘山葬之出二千石

按後書袁安求葬地道逢三書生指一處云葬此地當

世為上公又吳雄家貧喪母營人所不封土者擇葬其

中皆言當族滅則漢固已有葬法矣又葬當擇日論衡

譏曰篇葬歷曰葬避九空地召及日之剛柔月之奇耦

日吉無害剛柔相得奇耦相應乃為吉良不合此歷轉

為凶惡

相人三十四卷

隋志相書四十六卷

樊許唐氏武王相書一卷

崇文書目有姑布子

卿相法三卷袁宏後漢紀相工蘇大相鄧后曰此成湯

之骨法此相人所傳也御覽三百七十一相書許負曰乳閒

濶尺富貴足壽乳黑如墨公侯之相劉知幾史通許負

相經當時所聖見傳流俗

相寶劍刀二十卷

玉藻注相玉書曰珽玉六寸明自照御覽八百五王逸正

部論曰或問玉符曰赤如雞冠黃如蒸粟白如脂肪黑

如純漆文選魏文帝與鍾大理書引作玉書又白玉圖曰玉之精名曰委

後漢書疏證卷二十七 空

狀如美女衣青衣見之以桃戈刺之而呼其名則可得

也夜行見女子戴燭行者潛從其所亡則入石中有玉

又地鏡圖曰二月中草木先生下垂者下有美玉又曰

八百二夫寶物在城郭丘墻之中樹木為之變視柯徧有

折枯是其候也視折枯所向寶在其方凡有金寶常變

作積蛇見此輩便脫隻履若衣以擲之溺之即得凡藏

寶忘不知處以大銅盤盛水著所疑地行照之見人影

著物在下也又曰寶屋上瓦獨無霜其下有寶藏隋志梁地

鏡圖初學記嚴助相貝經曰堯懸貝轂於攜宮御覽八百

七相貝經朱仲受之於琴高越絕客有能相劍者曰薛

燭呂覽別類篇相劍者曰白所以爲堅也黃所以爲紉也黃白雜則堅且紉良劍也梁陶宏景作刀劍錄皆詭誕不經

相六畜三十八卷

隋志梁有伯樂相馬經御覽八百九十六相馬經云江淮州從事沛國蕭詵淮津有徐成今始相馬方又云

方最良似漢魏人書甯戚王良相牛經淮南浮丘相鶴

經相鴨鷄鵝等經按齊民要術并有其法僅存者史記日者列傳黃直

丈夫也陳君夫婦人也以相馬立名天下畱長孺以相

斂立名榮陽褚氏以相牛立名呂覽觀表篇古之善相馬者寒風相口齒麻朝

相頰子女厲相目衛忌相髦許鄙相脫投我相胸脅管青相贖物陳悲相股脚秦牙相前贊君相後後書

後漢書疏證卷二十七 奎

八四十一

馬援上表曰近世西河子輿明相馬法子輿傳西河儀

長孺長孺傳茂陵丁君都君都傳成紀楊子阿臣援嘗

事師子阿受相馬骨法孝武皇帝時善相馬者東門京

鑄作銅馬法初學記二十九相馬經伯樂曰凡相馬之法

先除三羸五駑乃相其餘大頭小頸一羸弱脊大腹二

羸小脰大蹄三羸大頸緩耳一駑長頸不折二駑短上

長下三駑大脰短脅四駑淺髀薄髀五駑按齊民要術

引之尤詳隋志又有卜式養豬養羊法

右形法六家

按隋志又有東方朔神異經十洲記

庶得麤狎

管子水地心之所慮非特知於麤麤也春秋繁露俞序始於麤狎終於精微狎音才古切亦作粗莊子則陽篇司馬彪云鹵莽猶麤粗也

黃帝內經十八卷

隋志黃帝素問九卷又素問八卷全元起注黃帝鍼經九卷

馬蒔云靈樞皇甫士安以鍼經名之唐志黃帝九靈經十二卷讀書志黃

帝素問二十四卷王冰注分為二十四卷靈樞經九卷王冰謂此

書卽漢志黃帝內經十八卷之九也馬蒔云王冰分為十二卷攷證

玉冰云第七一卷師氏藏之今之奉行惟八卷爾楊玄

操云黃帝內經二帙帙各九卷王冰名為靈樞素問第

後漢書疏證卷二十七 畜

七卷亡已久唐寶應中王冰得先師所藏之卷為注合

八十二篇二十四卷王海六十張仲景云撰用素問則

素問之名雖著於隋志而已見於漢代隋全元起注已

亡第七卷皇朝林億等校正孫兆重改誤億以天元紀

大論等七篇所載與素問略不相通疑是陰陽大論之

文冰取以補所亡云欽韓按素問離合真邪篇黃帝曰

夫九鍼九篇夫子乃因而九之九九八十一篇以起黃

鍾數又靈樞九鍼十二原篇今先立鍼經願聞其情此

書本名鍼經者是也兩唐志只謂之九靈經尙無靈樞

之目

外經三十七卷

隋志黃帝甲乙經十卷楊玄操云皇甫謐刺而為甲乙岐伯經十卷黃

帝流注脈經一卷梁有皇帝鍼灸經十二卷疑皆外經

也唐志黃帝明堂經三卷

扁鵲內經九卷外經十二卷

隋志黃帝八十一難二卷梁有黃帝眾難經一卷呂博望注通攷云吳呂廣注舊

唐志秦越人撰新唐志全元起注崇文總目秦越人采黃帝內經精要之說

凡八十一章編次為十三類理趣深遠非易了故曰難

經王勃黃帝八十一難經序云昔者岐伯以授黃帝黃帝

帝歷九師以授伊尹伊尹以授湯湯歷六師以授太公太公授文王文王歷九師以授醫和醫和歷六師以授秦越人秦越人始定立章句歷九師以授華他華他歷六師以授黃公黃公以授曹夫子夫子諱元字真道

後漢書疏證卷二十七 奎

則以秦越人為扁鵲也唐楊玄操演序云與軒轅時扁

鵲相類仍號之為扁鵲今本所行者元滑壽注按倉公傳陽慶傳

黃帝扁鵲之脈書又云謁受其脈書上下經此志云扁

鵲內外經則非止八十一難也宋書徐文伯傳道士雷

一瓢蘆與文伯開之乃扁鵲鏡經一卷因精心學之御

覽七百二帝王世紀曰黃帝命雷公岐伯論經脈旁通

問難八十一為難經然則難經非史記之扁鵲唐志誤

白氏內經三十八卷外經三十六卷旁篇二十五卷

抱朴子遐覽有白子變化經非此

右醫經七家

素問病能論上經者言氣之通天下經者言病之變化  
金匱者決死生也揆度者切度之也奇恒者言奇病也  
馬蒔云俱古經篇名今皆失之

五藏六府痺十二病方三十卷疝十六病方十卷熱痺十  
二病方四十卷風寒熱十六病方二十六卷

崇文總目天一閣鈔本黃帝五藏論一卷神農五藏論一卷

素問金匱眞言肝心脾肺腎五藏爲陰膽胃大小腸膀  
胱三焦六府皆爲陽又五藏生成篇赤脈之至也喘而  
堅診曰有積氣在中時害於食名曰心痺得之外病思  
慮而心虛故邪從之白脈之至也喘而浮上虛下實驚

後漢書疏證卷二十七 痿

XVI

有積氣在胸中喘而虛名曰肺痺寒熱得之醉而使內  
也青脈之至也長而左右彈有積氣在心下支肘名曰  
肝痺得之寒濕與疝同法腰痛足青頭脈緊黃脈之至  
也大而虛有積氣在腹中有厥氣名曰厥疝得之疾使  
四支汗出當風黑脈之至也上堅而大有積氣在小腹  
與陰名曰腎痺得之沐浴清水而臥骨空論任脈爲病  
男子內結七疝女子帶下瘦聚倉公傳齊郎中令循病  
湧疝臣意飲以火齊湯齊王太后病風痺客胛飲以火  
齊湯齊曹山拊病肺消痺加以寒熱死不治又公乘項  
處病診脈曰牡疝在臍下上連病得之內素問奇病論病口甘者名

脾痺病口苦者名臍痺大奇論心脈搏滑急爲心疝  
肺脈沈搏爲肺疝腎脈大急沈肝脈大急沈皆爲疝

泰始黃帝扁鵲俞拊方二十三卷

韓詩外傳十號庶子曰吾聞上古醫曰弟父說苑作弟

父之爲醫也以堯爲席以芻爲狗北面而視之發十言

耳諸扶輿而來者皆平復如故中古之爲醫者曰踰跗

擗木爲腦芷草爲軀吹竅定腦死者復生按此無稽之

說素問移精變氣論上古使儻貸季理色脈而通神明中古

之治病至而治之湯液十日以去八風五痺之病隋志

扁鵲陷冰丸方一卷扁鵲肘後方三卷宋史藝文志療

黃經三卷扁鵲撰

後漢書疏證卷二十七 空

五藏傷中十一病方三十一卷客疾五藏狂顛病方十七

卷

倉公傳齊中郎破石病臣意診其脈告曰肺傷不治靈

樞癩病篇骨癩疾者顛齒諸膈分肉皆滿而骨居汗出

煩悅嘔多沃沫氣下泄不治筋癩疾者身倦攣急大刺

項大經之大杼脈嘔多沃沫氣下泄不治脈癩疾者暴

僕四肢之脈皆脹而縱氣下泄不治素問繆刺論邪之

客於形也必先舍於皮毛畱而不去入舍於孫脈畱而

不去入舍於絡脈畱而不去入舍於經脈內連五藏散

於腸胃陰陽具感五藏乃傷

金創癰瘰方三十卷

靈樞注癰瘰者熱極生風也

婦人嬰兒方十九卷

扁鵲傳過邯鄲聞貴婦人卽爲帶下醫入咸陽聞秦愛

小兒卽爲小兒醫隋志俞氏療小兒方四卷梁有范氏

療婦人藥方十一卷

湯液經法三十二卷

素問有湯液論周禮疾醫疏劉向云扁鵲治趙太子暴

疾尸歷之病使子明炊湯韓事外傳扁鵲取三陽五輸

爲先軒之竈八拭之湯攷證事物紀原湯液經出於商

後漢書疏證卷二十七 亥

伊尹皇甫謐云仲景論伊尹湯液爲十數卷

神農食禁七卷

抱朴子僊藥篇神農經曰上藥令人身安命延昇爲天

神遨遊上下使役萬靈體生毛羽行厨立至中藥養性

下藥除病能令毒蟲不加猛獸不犯惡氣不行眾妖併

辟隋志神農本草八卷桐君藥錄三卷本草經神農作

楮鞭鉤鋤從六陰與太一外五岳四瀆土地所生皆鞭

問之得其主治一日遇七十毒御覽七百二帝王世紀

曰黃帝使岐伯嘗味草木典主醫病經方本草素問之

書咸出焉然本草卽肇於神農而黃帝修之志但言食

禁未足以盡之也自兵書以下本非劉向所序論故舛  
漏不可攷校游俠傳樓護少誦醫經本草又平帝元始  
五年舉通知方術本草者疾醫注云治合之齊則存乎  
神農子儀之術疏云中經簿子儀本草經一卷韓詩外  
傳扁鵲使弟子子儀反神皆西經所應有也隋志老子  
禁食經一卷

右經方十一家

容成陰道二十六卷

抱朴子遐覽篇道經有容成經列仙傳守成公者自稱  
黃帝師見於周穆王能善補導之事後書甘始東郭延  
年封君達三人率

後漢書疏證卷二十七 究

能行容成  
御婦人術

務成子陰道三十六卷

雲笈七籤老君開天經帝堯之時老君下爲師號曰務

成子作政事經

堯舜陰道二十三卷

天老雜子陰道二十五卷

張衡同聲歌素女爲我師儀態盈萬方眾夫所希見天  
老教軒皇按明萬安何不  
以此事對懷恩抱朴子極言黃帝論道養則

質立素二女遐覽篇有立  
女經素女經隋志素女秘道經一卷素女

方一卷文選養生論注引天老養生經

湯盤庚殷道二十卷

呂覽湯問伊尹曰欲取天下若何伊尹對曰凡事之本必先治身嗇其大寶用其新弃其陳腠理遂通精氣日新邪氣盡去及其天年此之謂真人抱朴子極言按彭祖經云自帝嚳佐堯歷夏至殷為大夫殷王遣采女從問房中之術行之有效欲殺彭祖以絕其道彭祖覺焉黃而逃去御覽六百六十八商王問彭祖延年益壽之道答曰思神念真坐忘鍊液皆可以令人長壽若泝流補腦之要此甚難行有懷棘履刃之危諸經方三千首皆示以始涉之門庭耳商王受具諸要行彭祖之永壽但不能

後漢書疏證卷二十七 辛

戒其淫慾耳

按房中家不及彭祖而反題堯舜湯盤庚之名舛詭殊甚當是妄人所錄耳

天一陰道二十四卷

天一卽天乙湯之名雜錯出之

黃帝三王養陽方二十卷

抱朴子微旨篇谷天聞黃帝以千二百女昇天便謂黃

帝單以此事致長

三家內房有子方十七卷

隋志彭祖養性一卷邾子說陰陽經一卷邾疑序房內

秘術一卷玉房秘訣八卷

隋志道經房中十三部三十八卷比此志少十之七矣  
何休公羊傳注禮男子六十閉房白虎通嫁娶篇男子  
六十閉房何所以輔衰也故重性命也至七十大衰寢  
非人不煖故七十復開房也抱朴子微旨房中之術玄  
素喻之水火水火殺人而又生人在於能用與不能耳  
大都得其要御女多多益善如不知其道而用之一兩  
人足以速死爾彭祖之法最其要者又釋滯篇房中之  
術近有百餘事御覽七百二十神仙傳曰彭祖云養壽之道  
但莫傷之而已夫冬溫夏涼不失四時之和所以適身  
也美色淑姿安閑性樂不欣思慾之感所以通神也車  
服威儀知足無求所以一志八音五色以養視聽之權  
所以導心也凡此皆以養壽而不能斟酌之者反以速  
患古之智人恐不才之子不識事宜流通不還故絕其  
原故經有上事別牀中士異板服藥百過不如獨卧人  
凡遠思強健憂過悲哀喜樂過量忿怒不解汲汲所願  
戚戚所患寒煖失節陰陽不交俱能傷人所傷者甚眾  
而獨房室不亦感哉按此志所論亦頗采其說

宓戲雜子道二十卷

莊子大宗師伏戲得道以襲氣

抱朴子遐道篇有三皇內文

上聖雜子道二十六卷道要雜子十八卷

後漢書疏證卷二十七 主

抱朴子辨問篇靈寶經有正機平衡飛龜授秩凡三篇皆仙術也

黃帝雜子步引十二卷

隋志引氣圖一卷道引圖三卷

立一坐一卧

一華佗傳古之仙

者爲導引之事熊經鴟顧引挽腰體動諸關節以求難

老

攷證梁肅道引圖序朱少陽得其術於黃帝外書又加以元化五禽之說乃志其善者演而圖之

黃帝岐伯按摩十卷

韓詩外傳子游按摩趙岐孟子注折枝者按摩折手節

解罷枝也抱朴子遐覽按摩經導引經十卷唐六典太

醫令屬官按摩博士一人置按摩師按摩工佐之教按

後漢書疏證卷二十七 五

生崇文總目軒轅黃帝導引法一卷

黃帝雜子芝菌十八卷

抱朴子遐覽木芝菌芝圖肉芝圖石芝圖大魄雜芝

圖登真隱訣上元寶經曰茅司命大君語二弟子宜服

四扇散昔黃帝受風后卻老還少之道雲笈七籤風后

傳黃帝四扇散隋志芝草圖一卷種神芝一卷

抱朴子僊藥篇

五芝者石芝木芝草芝肉芝菌芝各有百許種非佩老子入山靈寶五符不能得見此輩也

攷證黃

帝內傳王母授神芝圖十二卷水經注黃帝登具茨之

山受神芝圖於黃蓋童子按先天紀作七十二卷又云

適中岱見中黃子受九茹之方

黃帝雜子十九家方二十一卷

抱朴子對俗按玉策記及昌宇經昌宇者莊子七聖之一也莊子在宥黃帝聞廣成子在空同之上故往見之泰壹雜子十五家方二十二卷

抱朴子極言按神仙經黃帝及老子奉事太乙元君以受要訣釋史<sup>五</sup>泰壹雜子曰黃帝謁峩眉見天皇真人問三一之道

神農雜子技道二十三卷

抱朴子極言神農曰百病不愈安得長生莊子知北遊芻荷甘與神農同學於老龍吉

後漢書疏證卷二十七 葦

泰壹雜子黃冶三十一卷

抱朴子黃白篇神仙經黃白之方二十五卷千有餘首余昔從鄭君受金丹及金銀液經因復受黃白中經五篇隋志仙人金銀經并長生方一卷雜神仙黃白法十二卷練寶法二十五卷陵陽子說黃金秘法一卷

右神仙十家

萬三千二百六十九卷

論衡案書篇六略之錄萬三千篇隋志七略大凡三萬三千九十九卷與此志異通考卷數與隋志同劉昫志亦云漢藝文志裁三萬三千九十九卷則刻本於上應脫一

字歆所撰雖名七略其輯略卽其彙別羣書標列惜趨若志之小序耳實止有六略也舊唐志劉歆作七略二紀而方就葛洪云魏代以來羣文滋長倍於往者然兩京經王莽董卓之亂並從燔蕩魏晉文士人撰別集家著子書大都剽竊割裂陳陳相因其滋長者既不厭人意而古書展轉滅沒今則百不及一宋王應麟號爲博洽其攷證適與今所見者同然則古書之不畱種殆於宋中葉以後尙空言而薄實是尊黨類而蔑前修不能不有慨於學道傳中人也

後漢書疏證卷二十七 書

七〇〇

談師吉云藝文志卷數以各種總核得萬三千三百七十一卷與本後總數差一百二卷其各種總計數目皆不對甚者若道家類多二百餘卷乃後人所妄改致誤欽

韓謂太公二百三十七篇下謀言兵者卽其所注如儒家劉向楊雄之例刊本誤升爲大字遂複出二百三十七卷之數而總數又攷證自陰陽以至六經之家其數不細核復不符子目

或多或少春秋九百四十八篇而其數之不及者八十有一談師吉云第一條古經依法作二家今核止九百十三其數之不及者三十五第一條不作二家算不及者亦止五十人道家九百十三篇而其數之衍者四十有四

談師吉云今漢志總數九百九十三核實止八百一著龜一家而卷之溢於目者八十談師吉云著龜四百一今核四百八十五末一醫

經一家而卷之不登其總者四十有一談師吉算醫家一百七十七少三十九經方二百七二百十六今核十四今核二百九十五餘二十一

意增損者耶

後漢書疏證卷二十七

後漢書疏證卷二十七

XX

浙江書局刊

金承誥校

吳錫庚校

張鴻儀校

09890

